



„Allahov Poslanik, sallallahu alejhi ve sellem nas je podučio hutbetu-l-hadže

Abdullah ibn Mes'ud, radijallahu anhu, je kazao: „Allahov Poslanik, sallallahu alejhi ve sellem nas je podučio hutbetu-l-hadže: 'Zahvala pripada Allahu, od Njega pomoć i oprost tražimo. Utječemo mu se od zala naših duša. Koga On uputi niko ga u zabludu ne može odvesti, a koga On u zabludu odvede, niko ga na pravi put ne može uputiti. Svjedočim da nema istinskog Boga mimo Allaha i da je Muhammed Njegov rob i poslanik. 'O ljudi, bojte se Gospodara svoga, Koji vas je stvorio od jedne osobe, od koje je njen par stvorio, a od njih dvoje mnoge muškarce i žene rasijao. Bojte se Allaha, čijim imenom jedni druge molite, i čuvajte rodbinske veze. Allah vas, doista, nadzire.' (en-Nisa, 1.) 'O vi koji vjerujete, bojte se Allaha istinskom bogobojaznošću i nipošto ne umirite osim kao muslimani!' (Alu Imran, 102.) 'O vi koji vjerujete, bojte se Allaha i govorite samo istinu, On će vas za vaša dobra djela nagraditi i grijehе vam oprostiti! A onaj ko se Allahu i Poslaniku Njegovu bude pokoravao - postići će veliki uspjeh.' (el-Ahzab, 70-71.)"

[Vjerodostojan]

Ibn Mes'ud nas obavještava da ih je Allahov Poslanik podučio hutbetu-l-hadže, a ona se izgovara prilikom otpočinjanja govora kao prilikom sklapanja bračnog ugovora, prilikom džumanske hutbe i tako dalje. Ova hutba sadrži veličanstvena značenja. Naime, ona ukazuje da Allah zaslužuje da Mu se pripišu sve vrste pohvale, te se u njoj od Njega traži pomoć i oprost i ni od koga drugog. Osim toga, u njoj se samo Njemu utječe od svih zala. Nakon toga, Poslanik nas je izvijestio da je uputa u Allahovim rukama. Koga On uputi niko ga u zabludu ne može odvesti, a koga On u zabludu odvede niko ga ne može uputiti. Potom, govori nam se o svjedočenju da nema istinskog Boga mimo Allaha i da je Muhammed Njegov rob i poslanik. Naposljetku, ova hutba završava sa tri ajeta u kojima nam se naređuje bogobojaznost tako što ćemo činiti ono što nam se naređuje i ostaviti ono što nam se zabranjuje radi postizanja gledanja Allahovog lica. Ko bude tako postupao, imat će kao nagradu dobra djela i dobar govor, biće mu oprošteni grijesi, te će imati lijepo život na ovom svijetu i ući će u Džennet na onom.

النجاة الخيرية
ALNAJAT CHARITY

